

貢賦開元

賦貢 平細十四 綿絹

管縣六

聊城

武水

堂邑

清平

博平

高唐

聊城縣

郭下本春秋時聊攝地晏子對景公曰聊攝

以東其人多矣漢以為縣屬東郡晉屬平原郡高齊改屬

濟州隋開皇三年改屬冀州十六年置博州縣屬焉

黃河南去縣四十三里

荏平故城在縣東五十三里在荏山之平地石勒之賤也

賣在荏平人師歆家為奴

四口故關在縣東南八十里隋於此置

武水縣  
上八里 東北至州六十里 本漢陽平縣地屬東郡隋開皇

八年改陽平為清邑縣十六年分清邑置武水縣屬莘州

即今博州武水縣理是也 在武水溝之南因名之大業三年廢莘州改

屬魏州貞觀元年改屬博州

黃河南去縣二十二里

堂邑縣  
上二里 東至州六十里 本漢清縣廢十三縣之地屬東郡

隋開皇六年於此置堂邑縣屬毛州因縣西堂邑故城為

名大業二年改屬魏州武德四年又屬毛州貞觀元年廢

毛州改屬博州

樂平故城本漢清縣在縣東三十里後趙錄曰東海王使

征東將軍苟晞擊波桑石勒 與晞相持戰於平原陽平



間為晞所敗桑奔樂平

堂邑故城在縣西北二十七里高帝五年陳嬰為堂邑侯

嬰孫午繼封尚館陶公主

清平縣上二東南至州八十里本漢清陽縣地屬清河郡隋開

皇六年自今貝州清河縣界移貝邱縣於今理屬貝州十

六年改貝邱為清平縣屬博州大業二年省博州改屬貝

州隋亂廢武德四年重屬博州

博平縣上二西南至州七十里本齊之博陵邑也史記曰齊威

王伐晉博陵是也漢以為縣屬東郡晉屬平原國隋開皇

三年改屬毛州十六年改屬博州

故攝城在縣西南二十里晏子曰聊攝以東其為人多矣

即此縣也

高唐縣上二西南至州一百十里本齊邑春秋夙沙衛奔高唐

以叛史記齊威王曰吾臣有盼子者使守高唐趙人不敢

東漁於河漢以為縣屬平原郡後魏屬濟州高齊改屬平原

郡隋開皇十六年改屬博州皇朝因之長壽二年改為崇

武縣神龍二年復舊名

黃河在縣東四十五里

華歆墓在縣東二十里

衛州汲郡開元戶三萬六百六十六  
元和戶二千七百七十七  
鄉六十九







管縣五

汲縣

新鄉

衛縣

共城

黎陽

汲縣縣二本漢舊縣屬河內郡後魏於此置義州及伍城郡伍城縣周改義州為衛州伍城縣屬衛州隋開皇六年改伍城縣為汲州大業三年改屬汲郡武德元年重置義州汲縣屬焉四年廢義州縣屬衛州

黃河西自新安縣界流入經縣南去縣七里謂之棘津亦謂之石津濟左傳云晉伐曹在衛東假道於衛人不肯還自南津是也宋元嘉中遣宣威將軍垣護之以水軍守石濟亦是此處也比干墓及廟在縣北十里

太公廟在縣西北二十五里太公即河內汲人也

新鄉縣縣十九東至州四十八里本漢獲嘉縣汲縣二縣地隋開皇六年於兩縣地新樂城中置新鄉縣屬衛州武德四年屬殷州貞觀元年廢殷州縣屬衛州

清水在縣北一里

獲嘉故城在縣西南十里本漢舊縣越相呂嘉反武帝將幸於汲新中鄉得呂嘉首以為獲嘉縣

衛縣縣十九西南至州六十八里本漢朝歌縣屬河內魏黃初中朝歌縣又屬朝歌郡晉武帝改為汲郡隋開皇六年罷郡縣屬魏州大業二年改朝歌為衛縣屬汲皇朝因之



黑山在縣北五十五里漢文時固白統等起黑山聚衆十餘萬號黑山賊

蘓門山在縣西北十一里孫登所隱阮籍嵇康所造之處延津在縣西二十六里魏曹公遣于禁度河守延津即此地也枋頭故城在縣東一里建安九年魏武在淇水口下大方木為堰遏淇水令入白渠以開運漕故號其處為枋頭晉太和四年桓溫北伐慕容暉時亢旱水道不通乃鑿鉅野三百餘里以通舟運自清水入河暉將慕容垂率衆八萬來拒溫大破之遂至枋頭軍糧竭盡溫焚舟步退垂以八千騎追溫戰敗于襄邑亦謂此也後符氏尅鄴改枋頭為

昌永縣十六國春秋曰晉劉牢之殺苻丕慕容垂率師至枋頭以拒之知晉軍盛乃退後魏嘗移汲郡理此陽河水出縣西北平地即紂斲朝涉之脰處

朝歌故城在縣西二十一里殷之故都也

鹿臺在縣西殷紂營之七年乃成高三里高十尺

共城縣上二東南至州六十二里本周共伯國厲王無道流崩

於殽共伯奔王子靖立為宣王共伯復歸于國漢以為縣

屬河內郡晉屬汲郡高齊省隋開皇四年加城字于此置

共城縣屬衛州皇朝因之

白鹿山在縣西五十四里



天門在縣西五十里

淇水源出縣西北沮洳山

故凡城在縣西二十里古凡伯國也

百門陂在縣西北五里方五伯許步百姓引以溉稻田此

米明白香潔異於他稻魏齊以來常以薦御陂南通漳水

黎陽縣

上二

西南至州一百二十里

古黎侯國漢為黎陽縣在

黎陽山北屬魏郡漢屬黎陽郡隋開皇三年屬衛州十六

年又屬黎州大業二年省黎州縣屬衛州 皇朝武德

二年重置黎州縣屬馬貞觀十七年黎州廢復屬衛州

大石山南去縣七里即黎山也尚書云東過洛汭至于大

伾注曰山再成曰伾

枉人山在縣西北四十二里或言紂殷比十於此

黎陽鎮故城在縣東南一里古翟遼城也翟遼於此僭號

皇朝改曰白馬鎮

袁譚故城在縣西南一百步

曹公故城在縣西南一里是曹公攻譚時所築

白馬故關在縣東一里五步酈食其說高祖曰此白馬之

津即此處也後更名黎陽津慕容德自鄴將徙滑甚望黎

陽津風飄船渡魏軍垂至三軍色惶昏而水合是夜濟訖

旦而魏軍至水亦消泮德大悅改黎陽津為天橋津高齊



文襄征潁城仍移石濟關於此即造橋焉改名白馬關周  
又改名黎陽關

貝州清河開元戶八萬四千四百  
元和戶二萬一百二  
鄉一百七十七  
鄉三十五

禹貢冀州之域春秋時其地屬晉七國時屬趙秦蕪天下

以為鉅鹿郡漢文又分鉅鹿置清河郡以郡臨清河水故

號清河後漢以為清河國周武帝建德六年濟於此置貝

州因立以為名隋大業三年又為清河郡隋末陷賊武德

四年計平實建德復置貝州

州境東西二百四十九里

八到西南至上都一千八百二十里

西南至東都九百六十里

南至魏州二百十里

正東微北至德州二百三十里

北至冀州二百十里

東至博州一百九十里

西至邢州二百二十里

貢賦

管縣十

清河

清陽

歷亭

東武城

宗城

經城

漳南

臨清

夏津

永濟

清河縣縣四本漢信成縣地屬清河郡後漢省信成縣置

清河縣至隋不改皇朝因之

故末極城在縣東北五十里十六國春秋曰鮮卑段末極

自稱遼西今於此築城與石勒相持因為名

永濟渠東南去縣十里



清陽縣緊四郭下本漢舊縣也屬清河郡後漢省青陽縣其地屬甘陵縣隋開皇六年重置皇朝因之

甘陵在縣城內後漢清河王慶陵慶即安帝父也

歷亭縣上三州一百里西南本漢東陽縣地屬清河郡後漢省東

陽縣其地屬郟縣郟音開皇十六年於此置歷亭縣遂取

漢歷縣為名皇朝因之

東陽故城在縣西十八里漢高祖以張相如為東陽侯

東武城縣上二西南至州四十二里本七國時趙邑也史記趙平原君

勝封東武城即此地也蓋以定襄有武城同屬趙故此加

東字以辨之屬新河郡隋開皇三年改屬貝州皇朝因之

自後魏以來山東貴族清河諸崔即此邑人也為天下甲

族

宗城縣望五州六十里東北本後漢章帝分立廣宗縣屬鉅鹿郡

後魏改屬廣宗郡隋開皇三年改屬貝州仁壽元年改宗

城縣皇朝因之

張甲河在縣南二十五里

漳水東去縣二十七里

經城縣上四東至州六十里本後漢分前漢堂陽縣於今縣西北二

十里置經城縣後魏省併入南宮縣孝文又于今理置經

城縣又置廣宗郡高齊省郡及縣仍置武強縣于此隋開



皇六年移武強縣于此置經城屬貝州皇朝因之

張甲枯河東去縣十里

漳南縣上二 西南至本漢東陽縣之地隋開皇六年置

東陽縣屬德州取漢東陽之名十六年改屬貝州十八年

改為漳南縣以漳水在縣北故名皇朝因之

永濟渠在縣東五十里

漳水在縣北四十六里

臨清縣縣五 東北 至州六十里本漢清泉縣地後魏孝文于此置臨

清縣屬魏郡高齊省隋開皇六年復置臨清州屬貝州皇

朝因之

貝邱城在縣東南五十里漢貝邱城縣也城內有邱高五

丈周迴六十八步城因此為名春秋公田于貝邱是齊州

地與此異也

永濟渠在縣城西門外

夏津縣上二 西北 至州九十里本漢鄒縣也呂他桑布皆為鄒侯田

蚡奉邑亦在鄒屬清河郡隋大業三年改屬貝州天寶元

年改為夏津縣

也氏河在縣北

永濟縣縣一 東北 至 州一百十里本漢貝邱縣地臨清縣之南偏大歷

七年田承嗣奏於張橋行市置西井永濟渠故以為名



永濟渠在縣西郭內濶一百七十尺深二丈四尺南自汲  
 郡引清淇二水東北入白溝穿此縣入臨清案漢武時河  
 決館陶分為屯氏河東北經貝州冀州而入渤海此渠蓋  
 屯氏古瀆隋氏修之因名永濟

澧州

元和戶三千一百六十九

鄉十七

本漢頓丘縣地武德四年分魏州之頓丘觀城二縣於今  
 理置澧州因澧水為名又分置澧水縣貞觀元年廢澧州  
 以澧水縣屬黎州也非城都管內黎州大歷七年魏博節  
 度使田承嗣又奏置澧州  
 州境東西一百二十九里  
 南北七十里

八到

西南至上都一千五百里  
 西南至東都六百三十里  
 西南至衛州二百五十里  
 北至魏州一百三十里  
 南至濮州漢陽縣三十六里  
 南至濮州范縣一百一十里  
 西至相州臨河八十里  
 西至相州臨河八十里  
 東至魏州朝城縣九十四里

貢賦

開元賦  
 絁  
 綿  
 絹  
 粟

管縣四 頓丘 臨黃 觀城 清豐

頓丘縣下郭本漢舊縣因縣東北頓丘以為名屬東郡晉  
 屬頓丘郡隋魏郡武德初割屬澧州州廢還屬魏州大歷  
 初改屬澧州



秋山在縣西北三十五里

黃河在縣南三十五里

顓頊陵縣西北三十五里

帝營陵縣北三十里

衛康叔墓縣東北九十里

臨黃縣上西至州六十七里本漢觀縣地後漢改觀縣為衛縣後魏

孝文帝分衛縣置臨黃縣以北臨黃河因以為名屬頓邱

郡隋改屬魏郡武德初割屬澶州廢還屬魏州大歷初

又割屬澶州

黃河南太縣三十六里

盧津關今古高陵津縣東南三十五里

魏長賢墓縣十五里貞觀七年追贈定州刺史即徵父也

觀城縣緊西至州二十四里漢觀縣古之觀國左傳曰虞有三苗夏

有觀扈國語注曰觀國夏啟子太康之第五弟所封也在

衛縣夏襄滅之漢以為縣屬東郡後漢改觀縣為衛國縣

屬東郡隋開皇六年改衛國縣為觀城縣屬衛州武德四

年以觀城屬澶州廢還屬魏州大歷初隸澶州

衛靈公墓縣東南四十二里

清豐縣上東至州二十五里本漢內黃縣地大歷七年於清豐店置

因以為縣



黃河在縣南五十里

元和郡縣志卷十六終

元和郡縣志卷第十七

河北道二

恒冀節度使

恒州

常山大開元戶四萬二千六百九十四  
都督府元和戶一萬七千五百八十

鄉八十七  
鄉七十

今為恒冀節度理所

管州六縣四十五

都管戶六萬二千六百四

恒州十縣

冀州九縣

深州四縣

趙州八縣

德州七縣

棗州五縣

禹貢冀州之域周為并州地春秋時屬鮮虞國戰國時屬趙秦兼天下為鉅鹿郡之地漢三年韓信東下并陘擊破

國家圖書館, NATIONAL CENTRAL LIBRARY, TAIWAN, R.O.C.



黃河在縣南五十里

元和郡縣志卷十六終

元和郡縣志卷第十七

河北道二

恒冀節度使

恒州

常山大開元戶四萬二千六百九十四  
都督府元和戶一萬七千五百八十

鄉八十七  
鄉七十

今為恒冀節度理所

管州六 縣四十五

都管戶六萬二千六百四

恒州十縣

冀州九縣

深州四縣

趙州八縣

德州七縣

棗州五縣

禹貢冀州之域周為并州地春秋時屬鮮虞國戰國時屬趙秦兼天下為鉅鹿郡之地漢三年韓信東下并陘擊破

國家圖書館, NATIONAL CENTRAL LIBRARY, TAIWAN, R.O.C.



陳餘趙王歇以鉅鹿之北境置恒山郡因恒山為名後避文帝諱改曰常山兩漢恒山太守皆理於元氏晉理於之真定即今常山故城是也後魏道武帝登恒山郡城北望安樂壘嘉其美名遂移郡理之即今州理是也周武帝於此置恒山隋煬帝大業九年罷州以管縣屬高陽郡武德元年重為恒州三年陷賊四年討平竇建德仍舊焉

州境東西二百七十里

八到西南至上都一千九百九十里

西南至太原路至上都一千七百里

東北至定州一百二十里

從藁城北至定州一百二十里

東南至深州一百一十里

西取井陘路至太原府五百里

貢賦開元取五臺山路至代州五百三十里

管縣十真定藁城九門

井陘獲鹿石邑

真定縣望郭下本名東垣屬中山國以河東有垣縣故此加東字高帝十一年代相陳稀反帝自攻拔之改曰真定屬恒山郡武帝改為真定國後漢復為縣屬常山郡後燕慕容垂都之後徙理盧奴開皇三年真定改屬恒州皇朝因之

滌水北去縣三十里



潯洹河南去縣一里

故權城即古之捷鄉也縣北二十里後漢建武元年賈復破青犢於射大戟於真定之捷鄉大破之即此地也

臺城縣縣十三里西北至州五十八里本漢舊縣元鼎四年置屬真定國

後漢改屬鉅鹿郡晉省後魏重置高齊改為高城縣隋開皇十八年復為臺城縣武德初屬蕪州貞觀二年改屬恒州

肥累故城縣西南七里春秋時肥子國白狄別種也

潯洹水去縣二十九里

九門縣上西至本戰國時趙邑漢於此置九門縣屬常山

郡高齊省隋開皇六年重置義旂初於此置九門郡後廢

以縣屬恒州

潯洹水在縣西九十里

滌水北去縣二十三里

靈壽縣中東至州八十五里本中山國都也案中山武公本周同姓

其後桓公不卹國政後樂羊為魏將投中山封之靈壽縣

於此置靈壽縣屬常山國後漢屬常山郡隋開皇三年改

屬恒州武德五年屬并州七年改

潯洹水在縣西南二十里

行唐縣上十四里南本趙南行唐邑惠文王初置漢因為

縣屬恒山郡後魏去南字為行唐縣開皇三年改屬恒州



皇朝因之

玉女山縣北三十六里

滌水去縣南二十六里

井陘縣

中五至州九十里

東南六國時趙地秦始皇十七年王翦與

兵攻趙韓信張耳東下井陘擒成安君即此是也陘山在

縣東南八十里四面高中央下如井故曰井陘漢屬常山

郡隋開皇十六年於縣置井州大業二年廢縣屬恒州武

德元年重立井州貞觀十七年廢縣又屬恒州

綿蔓水在縣西南八十里韓信擊趙使萬人先行背水為

陣信曰陷之死地而後生謂此水也

獲鹿縣

中十至州五十里

東北本漢石邑縣地屬常山郡隋開皇十

六年於此置鹿泉縣以鹿泉在漢縣南因為名屬井州大

業二年省義寧初重置還屬井州貞觀二年改名獲鹿

飛龍山在縣南四十五里前趙錄曰王浚遣將初弘率鮮

卑討石勒於飛龍山下勒大敗

葦山音蔽今名抱犢山韓信伐趙使輕騎二千人人持一赤

幟從間道葦山而望後遂改為葦山後魏葛榮之亂百姓

固山抱犢而死故以為名又云抱犢者古有其名也即道

家謂之抱犢佐命是也名山記以為福地之數云可避兵

水也



井陘口今名土門口縣西南十里即太行八陘之第五陘也四面高中央下似井故名之韓信擊趙欲下井陘成安君陳餘聚兵井陘口號二十萬李左車說餘曰臣聞千里餽糧士有饑色今井陘之道車不得方軌騎不得成列行數百里其勢糧食必在後願足下假臣奇兵三萬從間道絕其輜重足下深溝高壘勿與戰彼前不得鬪退不得還吾奇兵絕其後野無掠肉不至十日兩將之頭可致戲下成安君儒者不從故敗述征記曰其山首自河內有八陘井陘第五四面高中央低似井故名之鹿泉出井陘曰南山下皇唐貴族有土門崔家為天下甲族今土門諸崔是

也源出博陵安平矣

石邑縣

繫十五東北至州三十里

本戰國時中山邑也史記趙武靈王

攻中山取石邑是也漢於此置石邑縣屬常山郡後漢至

隋不改皇朝因之

鹿泉水一名陘水南去縣十里

趙佗墓縣北十三里佗真定人僭號南越帝文帝為其先

人置守冢昆弟在者存問之佗遂釋黃屋左纁而稱臣

房山縣

中東南至州八十里

本漢蒲吾縣地屬常山郡隋開皇十六

年置房山縣因縣北房山為名屬并州大業二年廢并州

縣屬恒州武德四年又屬并州貞觀十七年又屬恒州其



城內實外險一名嘉陽城房山一名王母山在縣西北五  
十里漢武帝此山上立祠今王母觀是也

蒲吾故城在縣東二十里

鼓城縣中十二西北本春秋時鼓子國蓋白狄別種也

又漢曲陽縣地左傳曰晉荀吳圍鼓以鼓子鳶歸漢改

曲陽屬鉅鹿郡隋開皇十六年置晉陽縣十八年改為鼓城

縣屬鹿州大業九年改屬高陽郡貞觀九年屬定州大業

二年割入恒州

潏洹水在縣北十三里

魏收墓在縣北七里後魏北齊貴族諸魏皆此邑人也所

云鉅鹿曲陽人者是矣

後漢京觀在縣西南七里後漢皇甫嵩攻黃巾賊張角弟

寶於下曲陽首虜千餘人築為京觀

冀州信都開元戶九萬四千二百二十細一百八十五

禹貢冀州堯所都也虞及三代同為冀州地爾雅曰兩河

間曰冀州冀近也兩河之間其氣相近春秋時屬晉七國

時屬趙秦屬鉅郡漢高帝分趙鉅鹿立清河信都常山其

信都即今州理是也文帝又分立河間廣平二郡景帝改

信都為廣川郡後漢初王郎僭號河北愍應光武自薊南

行至下博失道有白頭公曰努力信都為長安守光武至



信都太守任光果開門出迎即今州理是也明帝更名信都為樂成國後漢末韓馥為冀州牧公孫瓚欲襲之袁紹使高幹諷馥令以冀州讓紹馥素性怯因然其計馥長史耿武諫曰冀州北鄙帶甲百萬穀有十年表紹孤客窮軍譬如嬰兒在股掌之上絕其乳哺立可餓殺奈何以州與之馥不從以州與紹遂領冀州牧及曹公破紹又理之文帝黃初中以鄴為五都之始移冀州理信都自石趙至慕容垂或理鄴或理信都符堅用王猛為冀州牧鎮鄴後魏冀州亦理於鄴仍於信都為舊冀州之理置長樂郡隋開皇三年罷郡為冀州大業三年復為信都郡隋末陷賊

武德四年改平實建德改為冀州

州境 東二百六十里 西二百六十里 南二百六十里 北二百六十里 東至滏州二百四十里 西至微州二百六十里 南至德州二百五十里 北至深州二百三十里 東至滄州一百二十里 西至景州一百三十里 南至滄州一百二十里

八到 西至滏州二百四十里 東至微州二百六十里 南至德州二百五十里 北至深州二百三十里 東至滄州一百二十里 西至景州一百三十里 南至滄州一百二十里

管縣九 信都 衡水 南宮 武邑

武強 棗強 堂陽 阜城

信都縣 望三十 本漢舊縣信都國後漢屬安平國後魏屬



長樂郡隋開皇三年屬冀州皇朝因之

衡水亦曰長蘆水即濁漳水之下流也西北去縣六十二里

辟陽故城在縣東南三十五里審食其為辟陽侯

煮枣故城在縣東北五十里漢煮枣侯國城六國時於此

煮枣油後魏及齊以為故事每煮枣油即於此城

衡水縣上十八里南本漢桃縣之地隋開皇十六年於今

縣置衡水縣在長蘆河西長蘆河則衡水故瀆也因以

為名

長蘆水縣南二百步

藺相如臺在縣東北十二里



置武強縣屬武強郡高齊改屬長樂郡開皇三年改屬冀  
州貞觀元年改屬深州後屬冀州

武隧故城在縣東三十一里秦破趙將扈輒於武隧斬首  
十萬即此也

武強故城在縣西南二十五里漢將嚴不識以擊黥布功  
封武強侯後漢王梁為武強侯

棗強縣至州六十八里西北本漢舊縣屬清河郡高帝以留  
盼為棗強侯其地棗木強盛故曰棗強後魏屬長樂郡隋

開皇三年屬冀州皇朝因之  
縣外城即姚弋仲之故壘也



棘津故城在縣東北二十七里左傳曰晉荀吳師涉自棘津史記曰呂望東海人也老而無遇賣食棘津

堂陽縣 上十七里 東至本漢舊縣屬鉅鹿郡在堂水之陽

案長蘆水亦謂之堂水在縣南二百步縣因取名後漢屬

安平國高齊省隋開皇十六年重置屬冀州皇朝因之

阜城縣 上十七里 西南至本漢舊縣屬渤海郡後漢屬安平

國隋開皇九年改屬觀州大業二年復屬冀州武德四年

復屬觀州貞觀十七年廢觀州又隸冀州

符融壘在縣東北二十四里

深州 上 饒陽 開元戶四萬二千二百十五 元和戶一萬四千九十七 鄉七十五 鄉五十

禹貢冀州之域七國時為趙地秦為鉅鹿郡地漢為饒陽

縣地屬涿郡隋開皇十六年於饒陽置深州以州西故深

城為名大業二年廢深州武德元年討平竇建德四年復

置貞觀十七年又廢先天元年於今理重置

州境 東西北九十里

八到 西南至上都取趙州路二千五百里

西南至東都一千二百二十里

正西至微北至恒州一百八十里

西南至瀛州二百四十里

貢賦 開元 絹 賦 絹 綿

陸澤 上十七里 郭下 本饒陽鹿城二縣地先天元年因置州

陸澤 鹿城 饒陽 安平



割二縣置陸澤縣禹貢大陸既作此縣南三里即大陸之澤因名之

鹿城縣

上二十三至州二十五里

東

本漢安定縣地屬鉅鹿郡隋開皇

三年於此置安定縣

取漢舊名

屬定州十八年改為鹿城取

縣東故鹿城為名改屬冀州貞觀元年改屬深州

衡漳水出縣十里

潯洹河水縣西北四十二里

大陸澤在縣南十里

饒陽縣

望三十四至州三十里

本漢舊縣屬涿郡在饒河之陽隋開

皇三年改屬定州十六年屬深州大業二年省深州改屬

瀛州武德四年屬深州

潯洹河北去縣四十五里

州理城晉魯口城也公孫泉叛司馬宣王征之鑿潯洹入

泝水以運糧因築此城蓋潯洹池有魯口之名因號魯口後

魏道武皇始三年車駕幸魯口即此地也

蕪葦故城東北去縣三十五里隋縣也蓋因東北蕪葦亭為名

蕪葦亭在縣東北四十五里後漢先武自薊東南馳晨夜

至饒陽蕪葦亭餓甚馮異進豆粥光武曰得公孫豆粥飢

寒俱解公孫異字也

安平縣

上十八至州五十三里

東南本漢舊縣屬涿郡高帝以鄂千秋



為安平侯後漢屬博陵郡後魏以來博陵諸崔即此之邑人也隋開皇三年縣屬定州十六年改屬深州大業二年還屬定州武德四年又屬深州

派水今名礮河西定州義豐縣界流入

滹沱河在縣南二十三里

趙州趙郡開元戶五萬一千四百三十

元祐戶八千一百五十一

禹貢冀州之域春秋時屬晉戰國時屬趙秦為邯鄲郡地漢為常山郡平棘縣地又為趙國自兩漢及魏皆以封建子弟後魏明帝又於廣阿城置殷州高齊改殷州為趙州因趙國為名隋開皇十六年又於欒城縣置欒州大業二

年廢欒州以縣並屬趙州三年以趙州為趙郡武德元年

張志昂舉城歸國又改為趙州

州境東西二百五十七里

八到西南至上都一千八百九十里

正東至微南至冀州一百六十五里

北至恒州一百里

東至臺城縣七十里

從縣至定州一百二十里

西踰山至太原府五百六十里

貢賦開元

管縣九

平棘

元氏

臨城

贊皇

昭慶

寧晉

欒城

栢鄉

平棘縣

上十二郭下

本春秋時晉棘蒲邑漢文帝三年濟



北王興居反遣棘蒲侯柴武擊之武帝時又有平棘侯薛澤為丞相蓋漢初為棘蒲後改為平棘也屬常山郡隋開皇二年改屬趙州十六年改屬藥州大業二年又屬趙州皇朝因之

斯渡水縣北三十五里

魏水一名白溝河南去縣二十五里

故棗城縣西北十六里春秋時晉邑

千萬壘縣南一里後漢安帝永初元年以御史任尚討羌無功檻車徵還羌遂入侵河內趙魏間百姓相驚北軍侯宋寵將五營兵屯孟津詔魏郡趙國常山等繕作鳩壘六

百十處此即其一也

李左車墓縣西南七里

趙郡李氏舊宅在縣西南二十里即後漢魏以來山東舊族也亦謂之三巷李家云東祖居巷之東南祖居巷之南西祖居巷之西亦曰三祖宅巷也三祖李氏亦有地屬高邑縣

封斯村者李氏舊墓多在封斯

元氏縣上十七里 東南本趙公子元之封邑漢於此置元

氏縣屬常山郡西漢常山太守皆理於元氏後漢書帝紀云世祖光武皇帝建武四年光武北征彭寵陰后從行生



孝明帝於元氏傳人又云顯宗孝明皇帝永平五年冬十月行幸鄴與趙王相會鄴常山三老言於帝曰上生於元氏願蒙優復詔曰豈沛濟陽受命所由加恩報德遣其冢也其後元氏縣曰祖更賦六歲賜縣椽吏及門閭走卒錢又云肅宗孝章皇帝建初七年九月己酉幸鄴勞賜常山趙國吏人復元氏祖賦三歲元和三年二月戊辰進幸中山遣使者祠北岳出長城祭西還幸元氏祠光武顯宗於縣舍正堂明日又祠顯宗於始生堂皆奏樂復元氏之祖賦三月丙子詔復元氏七年徭役其西漢元氏縣在今縣西北十五里故城是也晉屬趙國高齊廢隋開皇六年又置

元氏縣屬趙州皇朝因之

飛龍山縣西北三十里前趙錄曰河瑞元年王浚使將祁弘擊鮮卑務塵部十餘萬東討石勒戰於飛龍山勒師大敗

元氏故城在縣西北十五里即漢之舊縣也兩漢常山太守皆理於此城至隋末為劉黑闥所破其後移於今所

開業寺在縣西北十五里即後魏車騎大將軍陝定二州刺史尚書令司徒公趙郡李徽伯之舊宅也

臨城縣

中八

東北

百里本戰國趙房子邑也漢以為縣屬常

山郡自漢至隋不改屬趙州皇朝因之天寶元年改名臨城以縣西南十里有古臨城因改名焉



泝水在縣南二里出白土細骨如膏以之濯綿色若霜雪如蜀綿之得江津也故俗稱房子之績魏都賦曰織績房子是

敦與山在縣西南七十里泝水所出

栢鄉縣上十二北至栢鄉縣州六十一本春秋時晉鄆音呼反邑之地漢以為

縣屬常山郡後漢光武即位於鄆南千秋亭五城陌因改

曰高邑屬常山國高齊天保七年移高邑縣於漢房子縣

東北界今高邑縣是也隋開皇十六年於漢鄆城南十八

里改置栢鄉縣遂取古栢鄉縣以為名屬灤州大業二年

改屬趙州皇朝因之

高邑故縣城在縣北二十二里本漢鄆縣也

漢世祖廟一名壇亭縣北十四里鄆縣故城南七里即世

祖即位之千秋亭也後於此立廟故後漢書帝紀云肅宗

孝章帝元和三月丙子詔高邑令祠光武於即位壇是也

高邑縣上東北至本六國時趙房子邑之地漢以為縣

屬常山郡縣魏屬趙郡高齊天保七年移高邑縣於其縣城

東北十五里今縣是也隋開皇三年改屬趙州皇朝因之

房子故城在縣西南十五里本漢房子縣也

馮唐墓在縣東北二十八里趙人也

贊皇縣中五東北本漢鄆邑縣之地屬常山郡隋開皇



六年於此置贊皇縣，南有贊皇山，因以為名，屬寧州。大業二年改屬趙州。皇朝因之。

贊皇山，縣東南二十六里。穆天子傳曰：至房子，登贊皇山，泝水在縣西南三十五里。韓信斬陳餘處，故李左車曰：陳餘軍敗於鄆，下身死於泝水上，是也。

濟水源出贊皇山西北，流去縣南十北，自別是一濟水。應劭以為四瀆誤也。

百陵崗在縣東十里，即趙郡李氏之別業。於此崗下也。崗上亦有李氏塋塚甚多。

昭慶縣望十五里東本漢廣河縣，屬鉅鹿郡。後漢省後

魏別置廣河縣。隋仁壽元年改為象城縣。大業二年又改為大陸縣。屬趙州。武德四年復改為象城縣。取縣西北古象城為名。天寶元年改為昭慶縣。

廣阿澤在縣東二十五里。爾雅曰：晉有大陸。廣阿即大陸別名。淮南子曰：鉅鹿大陸。廣阿咸一澤也。

任敖墓一名七里邱，在縣西四里。高帝時為御史大夫，封廣阿侯。

皇十三代祖宣皇帝，建六陵，高四丈，周迴八十丈。

皇十二代祖光皇帝，啟運陵，高四丈，周迴六十步。二陵共瑩，周迴一百五十六步。在縣西南二十里。



寧晉縣緊十二西北本春秋時晉楊氏邑漢以為縣屬鉅鹿郡晉省後魏於此置饒遙縣屬南鉅鹿郡隋開皇六年改為饒陶復漢舊名大業二年改屬趙州天寶元年改為寧晉

欒城縣中十二東南至州三十九里

太和十一年於此置欒城縣取平棘縣舊棘城為名隋屬欒州又改屬趙州皇朝因之

斯波水在縣西北二十里

德州平原開元戶六萬一千七百七十鄉一百十六元祐戶九千三百五十六鄉二十五

禹貢兗州之域春秋時屬齊戰國時亦為齊地秦兼天下

今州秦之齊郡漢分齊郡置平原郡後漢至晉平原為王國封建子弟後魏文帝於今州置安德郡隋開皇三年改為德州大業三年罷州為平原郡隋末陷賊武德四年討

平實建德復為德州

州境東一百九十五里  
西一百九十五里  
南二百九十里  
北二百九十里  
西至上都一千七百里  
南至上都一千七百里  
東至上都一千七百里  
西至上都一千七百里

東南至東棗州二百四十里  
正南渡河至齊州二百四十五里  
西南至貝州二百三十里  
正北微東至滄州二百四十里  
西至冀州二百十五里

貢賦開元賦綾絹綿



管縣七 安德 平原 平昌 將陵 安陵 蔣縣 長河

安德縣 縣二十八 郭下 本漢舊縣屬平原郡後魏屬安德郡隋

開皇三年廢郡改屬冀州九年改屬德州皇朝因之

黃河南去縣十八里

鬲津枯河在縣南七十里禹貢兗州九河既過鬲津即九

河之一鬲津至徒駭二百餘里今河雖移不離此域也

馬頰河縣南五十里

鹿角故關縣東南七十五里

平原縣 上十八 東北至 本原舊縣屬平原郡後漢屬平原

國後魏屬安德郡隋開皇三年罷郡屬冀州九年改屬德

州皇朝因之

黃河在縣南五十里

王莽枯河縣南五里

管輅祠縣西南一里

平昌縣 上二十三 西 本漢舊縣屬平原郡後漢屬平原

國隋開皇三年屬滄州十六年故屬德州皇朝因之

馬頰河在縣南十里久視元年開決又名新河

將陵縣 望二十 南 本漢安德縣地屬平原郡隋開皇十六

年於此置將陵縣取安德縣界故城為名屬德州皇朝因之

鬲井枯河南去縣二十里



王莽柘河西去縣十里

安陵縣望二十南本縣舊縣地晉立安陵縣屬渤海郡

本舊縣之安陵故以為名高齊省開皇六年重置屬冀州

九年立觀州縣屬焉皇朝因之貞觀十七年觀州廢縣割屬德州

舊縣上二十二東南本縣條縣即條侯國也景帝封周

亞夫為條侯漢條縣屬信都國後漢屬渤海郡晉改條為

脩隋開皇三年廢渤海郡屬冀州五年改脩縣為舊縣屬

觀州皇朝武德初亦屬觀州貞觀十年觀州廢改屬德州

長河縣上十八東本漢廣川縣地屬信都國後漢屬清

河國魏封裴秀廣川侯高齊省隋開皇六年復置屬冀州

九年改屬德州仁壽元年改廣川縣為長河縣皇朝因之

漳水河自貝州漳南縣流入在縣西二十三里

王莽柘河東去縣五里

永濟渠縣西十里

張公故閘在縣東南七十五里

棣州樂安開元戶二萬五千五百四十五鄉四十八

元和戶五千四百四十七鄉十七

禹貢青州之域春秋為齊地管仲曰北至於無棣漢為千

乘國曹魏屬安樂國晉石苞為樂陵公是也隋開皇十七

年割滄州陽信縣置棣州大業二年廢入滄州武德四年

又置棣州六年又廢貞觀十七年又置移於厭次縣即今